



Vogošća, ul. Jošanička, br. 80; tel: 00387 33 586 413, fax: 586 418

Broj: 03-24-1091/18

Vogošća, 11.07.2018. godine

Na osnovu člana 69. stav 2. tačka tačka d), člana 70. Zakona o javnim nabavkama BiH ("Službeni glasnik BiH" broj: 39/14), i člana 71. i 125. Statuta Općine Vogošća ("Službene novine Kantona Sarajevo", broj 27/14-Prečišćeni tekst i 14/15), Općinski načelnik dana 11.07.2018. godine donio je

**ODLUKU  
O PONIŠTENJU POSTUPKA NABAVKE, ISPORUKE I MONTAŽE PLASTENIKA OD 100 m<sup>2</sup> SA  
DODATNOM OPREMOM I REPROMATERIJALOM-RASADNIM MATERIJALOM, U CILJU  
PODRŠKE POLJOPRIVREDNOJ PROIZVODNJI NA PODRUČJU OPĆINE VOGOŠĆA**

**Član 1.**

Poništava se postupak nabavke, isporuke i montaže plastenika od 100 m<sup>2</sup> sa dodatnom opremom i repromaterijalom-rasadnim materijalom, u cilju podrške poljoprivrednoj proizvodnji na području općine Vogošća broj: 03-24-1091/18, jer nijedna od primljenih ponuda nije prihvatljiva.

**Član 2.**

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**OBRAZLOŽENJE**

Općinski načelnik je dana 19.06.2018. godine donio Odluku o pokretanju postupka Konkurentskog zahtjeva za dostavu ponuda za nabavku, isporuku i montažu plastenika od 100 m<sup>2</sup> sa dodatnom opremom i repromaterijalom-rasadnim materijalom, u cilju podrške poljoprivrednoj proizvodnji na području općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 19.06.2018. godine pod brojem: 1353-7-1-84-3-47/18.

Tendersku dokumentaciju sa Portala javnih nabavki BiH je preuzelo 9 (devet) ponuđača.

Krajnji rok za dostavu ponuda bio je 02.07.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 02.07.2018. godine.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	Opšta zadruga "Bios" p.o. Visoko	25.630,00	/	/	29.987,10
2	"Itc" d.o.o. Zenica	25.641,00	/	/	29.999,97

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 03-24-1091/18 iz juna 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

**I. Ponuda ponuđača Opšta zadruga "Bios" p.o. Visoko ne ispunjava formalno-pravne uslove tražene Tenderskom dokumentacijom i to:**

- Tačkom 7.4.1. pod c) TD, a u skladu sa članom 49. Zakona zahtjevano je da ponuđač/kandidat posjeduje Uvjerenje/Potvrdu koju izdaje nadležna institucija ili agencija za kontrolu kvaliteta, a kojim se potvrđuje da na odgovarajući način tačno označena roba odgovara određenim specifikacijama ili normama.

Tačkom 7.4.2. pod c) TD je traženo da se kao dokaz za zahtjev iz tačke 7.4.1. pod c) TD dostavi Potvrda za promet presadnica izdata od strane nadležnog Zavoda za poljoprivredu. U Obrascu za cijenu ponude-Aneksu 2 TD je jasno naglašeno da se zahtjevaju certificirane presadnice povrća-320 komada po jednom plateniku za jesenju i zimsku sezonu i to: salata, špinat, mladi luk.

Ponuđač Opšta zadruga "Bios" p.o. Visoko je u svojoj Ponudi (strana 29-34. Ponude) dostavio Potvrde o kvalitetu i zdravstvenom stanju sadnog materijala, povrća i ukrasnog bilja, izdate od strane Federalnog zavoda za poljoprivredu Sarajevo. Sadni materijal koji je bio predmetom kontrole u Potvrdama izdatim od strane Federalnog zavoda za poljoprivredu Sarajevo su paprike, paradajz i krastavice.

Komisija za javne nabavke cijeni da su dostavljena Uvjerenja zaista izdata od strane nadležne institucije, međutim kroz obrazac za cijenu ponude su jasno i nedvosmisleno zahtjevano certificirane presadnice salate, špinata i mladog luka te stoga Komisija za javne nabavke smatra da dostavljanjem prethodno nabrojanih Potvrda kao dokaza nisu ispunjeni uslovi zahtjevani tačkom 7.4.2 pod c) TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

**II. Ponuda ponuđača "Itc" d.o.o. Zenica, ne ispunjava formalno-pravne uslove tražene Tenderskom dokumentacijom i to:**

- Tačkom 7.4.1. pod c) TD, a u skladu sa članom 49. Zakona zahtjevano je da ponuđač/kandidat posjeduje Uvjerenje/Potvrdu koju izdaje nadležna institucija ili agencija za kontrolu kvaliteta, a kojim se potvrđuje da na odgovarajući način tačno označena roba odgovara određenim specifikacijama ili normama.

Tačkom 7.4.2. pod c) TD je traženo da se kao dokaz za zahtjev iz tačke 7.4.1. pod c) TD dostavi Potvrda za promet presadnica izdata od strane nadležnog Zavoda za poljoprivredu. U Obrascu za cijenu ponude-Aneksu 2 TD je jasno naglašeno da se zahtjevaju certificirane presadnice povrća-320 komada po jednom plateniku za jesenju i zimsku sezonu i to: salata, špinat, mladi luk.

Ponuđač "Itc" d.o.o. Zenica je u svojoj Ponudi propustio da dostavi tražene Potvrde za promet presadnica izdate od strane nadležnog Zavoda za poljoprivredu.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju postupka nabavke, isporuke i montaže plastenika od 100 m<sup>2</sup> sa dodatnom opremom i repromaterijalom-rasadnim materijalom, u cilju podrške poljoprivrednoj proizvodnji na području općine Vogošća, iz razloga jer nijedna od primljenih ponuda nije prihvatljiva, a u skladu sa članu 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

**Pouka o pravnom lijeku:** Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o poništenju postupka javne nabavke izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. Opšta zadruga "Bios" p.o. Visoko
2. "Itc" d.o.o. Zenica
3. Nadležnoj Službi
4. U dosije
5. a/a

032/746-835

032/405-970

